

小謨觴館詩文集注

小坡錫館詩文集

小謨觴館文續集注卷第一

錢塘孫

元培

長熙

纂輯

香墅漫鈔序

昔晉獻王借書輒手刊其謬而梁邢劭又有日思誤書
之言道若不侔其爲實事求是則一也自輟材膚受苟
且麓略於是策爲八十宗鴿爲人日鳥杖杜伏獵弄麀
蹲鴟趙肖齊立壯月牡丹麻沙父釜唐本屯毛重性鮑
繆更僕難數文籍先生儒林祭酒辯正紕紊篇袂叢興
有唐以來若顏師古李匡乂邱光庭之屬嗃矢於前洪
邁程大昌高似孫王楙之徒推波於後是皆說部之權

輿稽鏡之淵藪所謂議官之襍家也

國朝通儒輩出若亭林潛邱湛園義門諸家各有成書
津逮靡旣數十年來摘詞之士本原或疏研經之流迂
鑿不免至於說文廣雅之學近雖不乏專家然欲其統
括四部勒成一編不求宏深不尙鞫闢匡正俗詁家喻
戶曉蓋轉眄其書焉南城曾香墅先生今之劉公是王
深寧也所著漫鈔續鈔又續三編薈萃羣典抉剔訛互
別風淮雨丁尾鉤鬚柳卯桃萊犬臺泰壹其辨似若簪
汜畫塗其決疑若繁絲斷刃意行歧旁揭橥以表之昏
索暗室炳燭以朗之碎細分擘切截纖顚所惑鏡澈所

矇煥發揚子雲有言多聞守之以約多見守之以卓若是書者約矣卓矣夫凡將滂喜久佚其篇无无支文易消其訓誠得斯秩懸之州閭非小學之指南言音之藻鏡乎先生閱覽錢詹事述之先生志行吳庶子詳之溝猶末學復何所言屬委弁端謝不獲已蠡測所及復覩縷如此若夫向朗校書精於毫齒張蒼爰歷成於期頤先生味道養和箸饌未艾有若衛武懿戒呂望丹箴昇日簡末附名猶將泚筆竢之已

晉書齊獻王攸傳就人借書必手刊其謬然後反之北齊書邢邵傳有書甚多不甚讐校見人校書常笑曰何愚之甚天下書至死讀不可徧焉能始復校此日思誤書更是一適李季節曰世間人多不聰明

思誤書何由能得子才曰若思不能得便不勞讀書
案子才邢邵字陶穀清異錄南唐王建封不識文
義族子有動植疏俾吏錄之其載鵠字傳寫訛繆分
一字爲三變而爲人日鳥建封信之每人日開筵必
進此味舊唐書李林甫傳典選部時選人嚴迴判
語有用扶杜二字者林甫不識扶字謂吏部侍郎韋
陟曰此云杖杜何也陟俛首不敢言又嚴挺之傳林
甫引蕭昺爲戶部侍郎嘗與挺之同行慶弔客次有
禮記蕭昺讀之曰蒸嘗伏獵昺不識伏臘之義誤讀
之挺之白九齡曰省中豈有伏獵侍郎乎又李林甫
傳太常少卿姜度妾誕子林甫手書慶之曰聞有弄
麀之慶客視之掩口顏氏家訓江南一權貴讀誤
本蜀都賦注解蹲鴟芋也乃爲羊字人饋羊肉答書
云損惠蹲鴟舉朝不解久後尋迹方知如此劉向
戰國策序本或脫誤爲半字以趙爲肖以齊爲立如
此者多顧炎武日知錄刻金石錄者於李易安後
序紹興二年元黜歲壯月朔不知壯月之出爾雅以
爲牡丹宋祁筆記引蕭該漢書音義漢有屯莫如
爲常山太守又有毛姓云毛伯文王子漢有毛樗之
爲壽張令漢書儒林傳魯伯授太山毛莫如少路毛

應作屯字音徒本切毛屯多相類此傳寫誤耳案
八十宗麻沙俱已見前注不再出他同此例屢見前
漢書藝文志雜家者流蓋出於議官兼儒墨合名
法知國體之有此見王治之無不貫漢書江充傳
初充召見犬臺宮注師古曰今本犬臺有作太壹字
者誤漢無太壹宮也王褒聖主得賢臣頌忽若簞
汎畫塗郭璞爾雅釋宮歧傍注歧道傍出也鄭
康成周禮職金注今時之書有所表識謂之楊櫟
李商隱元結文集序其碎細分擘切截纖穎如墜地
碎若大咽餘歐陽詹太學張博士講禮記記所昧
鏡徹於靈臺所凝冰釋於心泉劉禹錫國學新修
五經壁記以蒙來求煥若星辰以敬來趨肅如神明
以疑來質決若著蔡陸德明經典釋文條例用支
代文將无混无蜀志向朗傳年踰八十猶手自校
書漢書張蒼傳年百餘歲乃卒著書十
八篇言陰陽律歷事案文中作爰歷小誤

畱春草堂圖序

畱春草堂者汀州伊墨卿太守自題其讀書之廬而卽

以名其詩集也夫四序代嬗惟春爲喜羸萬物棣通以
春爲德始古之閎儒魁壘君子駿雄往往體沖氣於穆
清樂仁化之普被和淖羣動開發德意三朝之正旣慶
六義之蘊用宣於以樹宏猷申藻詠所謂欣喜歡樂
之官也太守疏照鼎門翔輝潭際歸藏樸學勤肄習於
暄辰浴沂高情契襟靈於上哲柘湖波暖遙和汜人之
歌蘭葉煙開旋賦月鐙之會入華林而簪筆侍披香而
薰衣蓬蓬自遠妍華生於楮豪熙熙在顏芳芬馥於齋
閣崔瞻父子雲龍人日之詩王融文章曲水三月之序
固已散葩落藻若庶卉之含英宮下商高應條風之吹

律矣而以畱春名其堂則意有深焉蓋時方策名瑣闥
持憲雲司展鬼薪白粲之書秋荼網密判北寺黃門之
牘夏日威嚴獨以慈祥寄其矜惻下噓鑠士則寒谷成
暄上體

帝心則繁霜變露蘇幽局於泉底滿生意於宵中紂絕
陰宮之地永昭青陽天街析木之間常溫園駒於是鹿
柴摹圖鶩溪裂絹岸鋪島織草芳木妍煙嵐媚景而啟
顏雲物烘晴而決眚殆將密贊化育內諧恬曠矣乎雖
然開元含和者氣久而彌醞宣風展義者澤敷而逾遠
大守出臺省典名都彤帷所至喻東風之變枯丹忱所

孚方膏雨之養瘠魚頭赤子援以登臺鶴膝囂風教之
剗耜將使杏花菖葉綿燠沐於蒼靈綸幟青旗返蕃釐
於富媪況復劉樊儷體承睂耆之親顏江鮑齊鑣領煙
花之城郭春暉未艾春祺方來於以頒春令進春觴嘔
附醞釀彊義湧仁羣生嘒嘒以迎禧萬彙昌昌而薦祉
豈徒眷三重之屋突兀眼前成一尺之集長畱天地已
哉我澤如春寓諸縑素善人得位常作歲星世有同祈
予言爲券

管子四時篇聖王治天下德始于春長于夏刑始于
秋流于冬鄭康成儀禮士虞禮嘉薦普淖注普大
淖和也班固東都賦春王三朝會同漢京李善注
漢書董仲舒策曰春秋之文正次王王次春春者天

之所爲也正者王之所爲也三朝歲首朔日也王
勃常州刺史行狀公鼎門疏照穴岫翔輝福建通
志汀州府寧化縣潭飛磔重岡複嶺山環水合有田
有池又寧化有柘湖溉田甚廣范致明岳陽風土
記鄭子況爲太守上巳日望鄂渚追想汜人俄有所
見聞汜人歌曰沂青山兮江之湄泳湖波兮裊綠裾
意拳拳兮心莫舒楊銜之洛陽伽藍記春風動樹
則蘭開紫葉王定保撫言燕名有九四曰聞喜敕
下宴五日櫻桃六日月燈北齊書崔瞻傳瞻使鄴
魏孝靜帝以人日登雲龍門其父悽侍宴又敕瞻近
御座亦有應詔詩宴罷共嗟賞曰今日之讌併爲崔
瞻父子王融三月三日曲水詩序李善注武帝永
明九年三月三日幸芳林園敕王融爲序孫逖行
裴敦復刑部侍郎制俾踐白雲之司漢書惠帝紀
上造已上及内外公孫耳孫有罪當刑及當爲城旦
春者皆耐爲鬼薪白粲注取薪給宗廟爲鬼薪坐擇
米使正白爲白粲皆三歲刑也案耐古耐字王融
策秀才文傷秋荼之密網惻夏日之嚴威梁書元
帝紀長徒鑠士特加原宥眞誥紂絕陰天宮人初
死受事處隋書天文志昴七星天之耳目也主西

方主獄事昂明則牢獄平案天街析木皆近昂星

呂溫號州三堂記春之日眾木花圻岸鋪島織沈浮

照耀其水五色權德輿司徒岐國公杜城郊居記

密贊化育內諧恬曠如春之仁如樂之和隋書音

樂志帝居在震龍德司春開元布澤含和尚仁晉

書武帝紀詔曰郡國守相三載一巡行屬縣必以春

此古者所以述職宣風展義也劉禹錫司空奚公

神道碑銘赤車所至如東風變枯管子輕重甲春

有以傳耜夏有以決芸此租稅所以九月而具也

後漢書明帝紀冬無宿雪春不燠沐注言無暄潤之

氣也李賀詩春物太昌昌李商

隱謝河東公啟正人得位長作歲星

湘頌樓詞序

溧陽史君伯劬鐘巫洮之淑靈席蕭邴之門業神智夙

湛瑋莛湧流歲路未強已冠孝秀元黃葩藻卓犖軒翥

顧所篤嗜尤在歌詞葢其珠玉抱質芬芳入懷耀豔深

華於騷爲近於是練昏研曉夏爽淒魄靈妙所寄意象
斯超珊瑚枝海月入其幽襟湘江暮煙疑覲焯態愀愴惻
惻之旨夷靡案衍之音旣根性真遂成絕詣匪特紹嗣
家法闡南渡祖風而已夫鯨夔喧肆不如幺絃之感心
熊豹羅几未若石華之悅口情動於中而形於聲聲成
文謂之樂是亦威鳳一羽足驗五德者矣君今者漳濱
臥疾周南畱滯息子勝斐然之志抱孝章永年之憂論
者方惜其摧撞拂鬱沈落英耀不得賡咸莖第雅頌而
君獨流連寸卷冰雪自攜二三素心諄復揚摧其負懷
孤寄非復塵想能窺羸其身昌其蓺蕭聊惚恍瞳矐昭

晰羸縮有數光采靡窮以視金石雲陛爛聲炫辭慧業
所存或不以彼易此也

江南通志溧陽大坏山一名大巫一名浮山孤立洮
湖中洮湖卽長蕩湖水經謂五湖之一李商隱獻
集賢相公啟一言悟主三接承恩季孟伊緜友朋蕭
邴洪适隸釋張平子碑高才瑋藝與神合契張
充與尙書令王儉書丈人歲路未強學優而仕梁
簡文帝與劉孝儀令辭章博瞻元黃成采文心雕
龍辨騷篇招魂招隱耀豔而深華司空圖詩賦奇
研昏鍊爽夏魄淒蕭德藻詠梅詩湘妃危立凍蛟
背海月冷挂珊瑚枝張鉉史達祖梅溪詞序分鑣
清真平睨方回梁簡文帝與劉孝儀令此亦威鳳
一羽足以驗其五德史記太史公自序是歲天子
始建漢家之封而太史公畱滯周南不得與從事
陳琳爲曹洪與魏文帝書聞自入益部仰司馬揚王
遺風有子勝斐然之志文心雕龍樂府篇謳吟垆
野金石
雲陛

邗上雲萍集序

夫跡之所寄而情寓焉意之所感而詞發焉淺夫蒙心
罔識羣怨雖在羈屑無可攄抒其或擁傳壯遊綰符經
涉卽有興寄奪於浮榮性真不存獻詠無當是惟畸人
騷士蘊魁磊之奇氣負卓絕之瓌姿孤雲一身川路百
織其間都邑之駢坱原澤之珍瑋人事之離合歲序之
遷貿悲愉萬端俛仰均感長圖大念隱心而莫宜春鳥
秋蟬含槩而自語於是冷汰結質鮮容賔華鏤骨滌肌
冰瑩霞炫遇之嗇辭之豐上有日星下有風雅此郭子
祥伯雲萍一集所以洞鑒騷情秀昭江國者也邗上地

交川陸古稱華州漕渠崑岡之施軸冠帶衣履之昌丰
僑客游民聯肩疊踵祥伯以無對之才寄孤飄之跡影
溷乎凡瑣心軋乎霄崢資煙月之清真抒襟靈之軫結
千歌百賦久播域中補綴沈吟復成此段以予比歲亦
客茲邦屬爲弁言非同膚受嗟乎祥伯久遊益拙廣交
益孤文采益奇邁選益悴後之流轉未知何方則此詩
歌又將遞續豐茲嗇彼豈真有主宰存邪援筆序之曾
歛索歎而已

隸釋冀州從事郭君碑攄功美表示後生 朱灣
獻湖州崔使君書一身孤雲兩度圓月 鮑照登大
雷岸與妹書長圖大念隱心者久矣 施肩吾下第
春遊詩羈情含藥復含辛淚眼看花只似塵 皇甫

湜顧況集序翕輕清以爲性結冷汰以爲質煦鮮容
以爲詞王贊方干詩序鋟肌滌骨冰瑩霞絢嘉肴
自將不吮餘雋麗不葩藻苦不棘癰司空圖詩賦
上有日星下有風雅鮑照蕪城賦施以漕渠軸以
崑岡韓愈贈崔立之詩朝爲
百賦猶鬱怒暮作千詩轉迢絜

七家詞序

六合汪君紫珊以其友袁君湘湄劉君芙初袁君蘭邨
趙君艮甫汪君竹素楊君畹香所著長短句附以己作
彙刻之名曰七家詞之數子者箸饌宏富非徒樂章茲
以詞舉以藝齊也並世詞人南北林立約以七家以知
限也夫六瑩九韶聲非一律五綦七情動非一端比而
同之不和則繆而汪君乃通其驛騎合爲駢枝豈非以